



*O meu amor é louza quebrada.
E un soño de papel de xornaleiro
que os enrugan tralas túas mans
cando os meus miolos che entregan
a gaiola morna que ladra no meu peito.*

*O meu amor é paxaro morto.
E unha pomba roubada coa lúa,
loitando nas súas ás por fuxir,
e, se morre, na loita, morrerá sen renderse
ós teus beizos de neno tremante.*

*O meu amor é bolboreta núa.
E un pequeno paxaro ceibe que voa
no albor cansío dun novo día,
non atopas niño quente que te acolla,
que te abrace na mañanciña.*

*O meu amor, durmida cantiga.
E un papel noxento que se agacha
na lembranza esquecida, gardada
entre sangues e carnes de amantes
para nós descoñecidos, dun soñador.*

*O meu amor é reloxo quedo.
E un neno perdido no paso do tempo,
atrapada docemente nas redes
tecidas polas agullas inquedas
da vella melancolía, asasinado.*

*O meu amor é anxo caído.
E un asasino nas portas do ceo,
fitando barcos afundidos onte,
cando a treboada deixou ferraduras
ardentes queimando a miña pel.*

EVA